

無錫文獻叢刊第七輯

惠山古今考

臺北市無錫同鄉會印行

無錫文獻叢刊第七輯

惠山古今考

臺北市無錫同鄉會印行

無錫文獻叢刊第七輯序

吾邑惠山。在縣西之五里許。周四十餘里。高逾百丈。自古以來。山名不一。具載志乘。多不著。書其較著者。山有九峯。峯各有澗。澗各有臨。澗水細流。終歲不竭。以其狀如龍之蜿蜒起伏。俗稱龍山。然著書者多不取以爲名。或云昔有開山禪師西域僧慧照卓錫居此。故名慧山。慧與惠音同而義亦通。邑人俱稱惠山。故惠山之名最著。山之第一峯下白石隄。有惠山泉。唐陸羽品爲天下第二。元趙孟頫書額曰天下第二泉。又有惠山寺。創於劉宋景平元年癸亥。四週蒼松翠柏。入門左右二坊。左曰聽松。右曰觀泉。士大夫之遊於斯。觴詠於斯者。多結廬於斯。壘石爲山。鑿池爲沼。深篁高柳。掩映樓臺。莫不依山爲鄰。傍泉與寺而築室其間。而惠山之夙以峯巒碧翠。澗壑幽邃。古蹟名勝。各擅奇境。馳名於宇內者。豈無故哉。顧歷經千數百年。世有治亂。興廢無常。所謂古蹟與名勝者。有如洛陽名園。存者益尠。舉凡昔賢之所經營。往哲之所棲止。不有載籍彙而錄之。則當年之流風餘韻。將何以流傳於不朽。於是好事者不忍勝蹟之湮沒而無聞於後世也。先是明永樂間。梅隱院僧至廸

無錫文獻叢刊第七輯（惠山古今考）

二

撰「惠山志」。其書久佚。正德初。鄉先輩邵文莊寶點定惠山寺住持圓顯之「慧山記三卷」暨「慧山集六卷」。先後鐫板行世。繼則萬曆中。談明經脩所輯之「惠山古今考十卷、補遺一卷、附錄三卷」。談氏以書中備載自南北朝至明代有關惠山之詩文。頗有助於考證山中古蹟與名勝之沿革。隨於二十七年己亥付梓傳世。清康熙初。華文學淑著「惠山名勝志」。未聞有藏書家及圖書館之藏書目錄著錄之者。恐已不存於世矣。

慨自共匪竊據大陸。吾邑流亡來台之同鄉先進諸君子。爲謀敦睦鄉誼。有台北市無錫同鄉會之組織。重印鄉先輩之有關吾邑文獻之舊籍。暨編印近百年來有關吾邑文獻之著作。訂爲會中工作重點之一。近數年來。已出版鄉先輩舊籍之「無錫文獻叢刊」六輯。今又將談明經脩之「惠山古今考」一書。列爲文獻叢刊之第七輯。諸編輯委員以仲青忝爲同鄉會理事長。囑爲弁言於簡端。既不獲辭。遂書吾邑惠山之所以馳名於宇內。與夫談先輩之所以輯爲「惠山古今考」者。略述梗概而序之。

台北市無錫同鄉會理事長王仲青 謹識

中華民國七十五年十一月二十日

無錫文獻叢刊序

吾邑——無錫。古之荊蠻地也。自吳太伯端委開基。奄有茲域。肇啟文明。號曰句吳。然諸夏攢之。比於夷狄。傳十九世。延陵季子。實誕斯土。閱覽博物。風流滋始。秦漢置縣。夙稱壯邑。山川秀麗。景色優美。顧史傳人物。自秦迄唐。寂少聞焉。北宋以降。人多大雅。經明行修。咸擅著述。蓋自將樂楊龜山先生受業於伊洛二程夫子之門。載道南還。止於吾邑之東林。日與諸生講學論道者一十八年。於是吾邑始有程氏之學。此道南一脈之所自昉也。其後尤袤爲龜山再傳弟子。稱南宋四家之一。越三百年。當明代成化年間。邵寶學宗龜山。以東林二字榜其城南之授業館舍。纂程子定性書說。直探本原。能集諸賢之大成。綜其撰著。粹然一出於正。又一百年。顧憲成、高攀龍繼之。就龜山講學原址。規復東林書院。相與傳道授業。並於講習之餘。日與三數同志。諷議時政。幾與朝局相終始。海內翕然宗之。憲成學主小心。故能立身剛方。持論醇正。攀龍學主格物。諫邪妄。劾奸壬。文境清遒。詩意沖澹。其流風餘韻。亘清末而不衰。

無錫文獻叢刊序

無錫文獻叢刊第七輯（惠山古今考）

二

清代襲明舊制。以科舉取士。爲士子進升之階。而館選有天子門生之稱。尤爲士子所爭取，藉以光耀門楣。吾邑科名之盛。無過於秦、嵇、華、周四姓。秦氏四世松齡子道然，孫惠田，曾孫秦鈞

詞林。人皆謂孝友傳家之徵。松齡更以博學弘儒供職史館。其孫惠田以探花上第。官至大司寇。嵇氏三世曾筠子璜，孫承謙詞林。曾筠與子璜以忠節之後。父子大拜。華氏以行義著。累代科

名不絕。周氏亦孝友之後。在康熙、雍正、乾隆三朝。有祖孫、父子、叔侄、兄弟、翰林、進士、舉人之家之稱。夙爲邑人所艷羨。其時世家子弟。率皆肆力於應試文字。咸能沉潛經傳。研考史籍。或守家學而有所發明。或稟師承而自出機杼。隨手抄摘。積久成帙。經術則有顧棟高之春秋大事表與毛詩類釋。蔡德晉之禮經本義。秦蕙田之五禮通考。史地則顧祖禹之讀史方輿紀要。研史而兼貫地理。尤爲前古所未有之創作。皆煌煌鉅製。炳乎盛矣。文學則康熙間之嚴繩孫、秦松齡、顧貞觀。並以工爲詩詞稱三名家。而貞觀之彈指詞。與迦陵、竹垞號倚聲三傑。乾隆、嘉慶間。秦瀛官京師。與桐城諸子遊。時而上下其議論。後之張岳駿、侯楨暨瀛子緡業。同問業上元梅曾亮之門。所爲古文。並占桐城文派之一席。與秦瀛同時之顧敏恒、楊芳燦暨其弟揆之駢體文。亦嘗抗衡時彥。比肩齊驅。泊乎晚清。有若薛福成

、許珏之洋務。徐氏父子、壽子建寅、華封之化學汽機。華氏兄弟衡芳之數理格致。楊模、侯鴻鑑、顧倬之倡導興學。以及薛氏、楊氏、榮氏、唐氏之振興實業。是又另闢蹊徑。爲於舉世不爲之日。蓋能遠紹吳太伯開疆闢土、誅茅刈草之毅力。近承東林顧、高真知實踐、學以致用之遺緒。有以致之。至其聲教所被。幾洋溢乎全國。所以轉移風氣者。奚止一鄉一邑而已哉。

古代三老五更。以年齒賜爵祿。後世衰微。其制寢廢。敬老尊賢。耆舊尙矣。書有之。洪範五福。第一曰壽。高年碩望。自足表式閭閻。明成化、弘治間。秦旭年八十五。與同志九人。結吟社於慧山第一峯下。每月擇日觴詠其中。十人者。或以高年稱宿望。或以碩德著士林。號碧山十老。清乾隆十六年辛未。高宗南巡。幸寄暢園。園爲秦氏別業。秦孝然年九十。率弟侄輩之年在六十以上者八人。迎駕園前。高宗賜詩有近族九人年六百、耆英高會勝香山之句。稱寄暢九老。後二十年。鄒一桂年八十六。張泰開年八十三。俱以禮部尙書予告林下。數與群從之年逾七十者七人。作西神二泉之遊。茗邊酒後。偶而伸楮揮毫。間亦對景嘯歌。好事者繪龍峯九老圖以紀其盛。近代則有民國二十二年癸酉。爲楊志濂重屆鹿鳴之年。閩邑庠彥。仿古鄉飲酒禮。譙集公園之嘉會堂。主賓年八十二。領袖群倫。與同席之八人

無錫文獻叢刊第七輯（惠山古今考）

四

。攝影留念。署曰梁溪九老。復建九老閣。事詳碑紀。夫黃髮遺耄。類以厚德懿行。著於鄉里。不獨尙年尊齒而已。吾人生百世下。緬懷往哲。雖無老成人。猶有典型。其是之謂歟。

文獻之傳。厥爲典籍。典籍不存。文獻無徵。宣聖所以有不足之嘆也。吾邑縣志。昉於宋代。尤袤遂初堂書目著錄之。曰無錫志。其書久佚。元志爲無錫州志。四庫著錄。誤稱縣志。明代三修。景泰志曰錫山新志。弘治志曰錫山續志。萬曆志曰無錫縣志。清代凡五修。康熙志亦曰無錫縣志。乾隆志仍沿舊稱。其時已析置金匱。兩縣同城分治。實爲兩縣之合志。嘉慶志正名曰無錫金匱縣志。道光志稱續志。光緒志承嘉慶、道光兩志而增刪之。亦曰無錫金匱縣志。明清八次纂修。皆出自邑中耆碩宿望彙集諸家模著。城鄉採訪而成。發凡起例。自有別裁。或詳人之所略。或棄人之所取。何者寧缺。何者應存。蓋亦有難言者焉。故弘治志續修初定。顧起經編勾吳佚典。萬曆志綴輯稿成。尤鏜著人物志補遺。孫秉禾著邑志辨訛。黃廣著錫山史逸。康熙志重纂甫竣。有顧貞觀之邑志補訂。王抱承之開化鄉志。黃蛟起之西神叢語。乾隆志墨瀋猶新。華玉淳撰邑志拾遺。黃印撰錫金識小錄。嘉慶志事增文損。錢泳、安念祖合作錫山補志。道光志板工方蕺。周有壬之錫金考乘。華湛恩之錫金志外。相

繼行世。光緒志後。諸家著述。名目繁多。咸以所見所聞。分類編著爲專門之一種。以備後之修邑志者之採擇。不具錄。夫志爲史裁，蒼萃一方之事。其於正史。蓋具體而微也。操筆者或以囿於涉獵。致有疎略。或因寡於識斷。遂多抵牾。間有瑕疵。自所不免。雖馬遷之善敘事理。班氏譏其是非。歐公之蓄德能文。吳縝糾其謬誤。況等而下之者乎。辨訛、補訂諸編。究以意近吹求。其書終於不存。至自草創以迄成稿。徵材之餘。必有所遺。闕入於志。或者擬於不倫。棄之不顧。奚忍聽其湮沒。於是有效爲稗官野乘之流。輯爲叢語、識小等錄。所謂網羅放失，表彰潛隱。亦猶經之有別解。史之有外編。與邑志相輔相成。互爲表裏者也。故其書多有傳於後世者矣。

本會文獻管理會諸委員。以影印梅里志與泰伯梅里志爲文獻叢刊之第四輯。既畢事。問序於余。余不敏。辭不獲。爰縷述吾邑之學術源流。暨文獻與典籍之傳。謹爲旅台同鄉父老告焉。

台北市無錫同鄉會理事長謝立章序

中華民國七十年一月一日

無錫文獻叢刊序

本會前爲響應

總統蔣公復興中華文化之號召。曾於民國五十七年重印「無錫縣志」千部。以廣我中華正統文化之流傳。期勉邑人砥礪名節。效法先賢。立不朽之業。竟中興之功。刊行未及一載。承海內外同鄉、國內外大專院校、研究所等相繼購、贈無餘。對宏揚中華文化。粗具意義。

吾邑自吳泰伯蒞鄉開基。漸成禮義之邦。代有賢哲。獻替良多。文獻之盛。甲於天下。

孔子曰：「夏禮吾能言之。杞不足徵也。殷禮吾能言之。宋不足徵也。文獻不足故也。足則吾能徵之矣。」所謂文。指典籍而言。所謂獻。朱子集解引鄭云：「獻，猶賢也。」爾雅釋賢云：「獻。聖也。」是以吾邑之典籍與先賢之巨著。世人稱之爲「文獻」。不爲虛也。各國學者、專家、學術研究機構。對「無錫文獻」極爲重視。用以研究我中華文化博大精深之所在。惟我邑人及研究「無錫文獻」者。苦無完整書刊。本會有鑒於此。爰分向國內外蒐集資料。耗時三稔。始告齊全。並經有系統之輯爲「無錫文獻叢刊」。以三十二開本用

無錫文獻叢刊第七輯（惠山古今考）

二

上等模造紙精印精製。分輯刊行。於每輯序文後簡介書目敘錄。俾讀者瞭解其全貌。益爲復興中華文化勉盡微勞。

資料之來源。蒙中央研究院王秘書志維先生、圖書館藍館長乾章先生等協助。將西神叢語一卷、錫金識小錄十二卷、慧山記四卷、惠山古今考十卷暨補遺一卷、錫山景物略十卷等珍本攝成照片。並予技術上之方便。復承故宮博物院將錫金考乘十四卷珍本複印。又蒙旅日教授李廸揚先生代向京都大學人文科學研究所洽請複印錫金志外五卷珍本。嗣以中央研究院珍藏之惠山古今考尙欠完整。經商請美國國會圖書館東方部中韓圖書組將完整之珍藏本複印寄來。各方關愛賜助。至爲感激。敬此致謝。

本刊之輯行。承史學家錢穆鄉長鑑定。編輯委員嚴希傑、許師愼、楊保和、沈映冬、劉公正等諸鄉長審慎從事。倍見辛勞。劬助甚多。併誌謝忱。

謹書大意。是以爲序。

臺北市無錫同鄉會理事長陳仲良 謹識

中華民國六十年四月一日

無錫文獻叢刊第七輯書目敘錄

惠山古今考十卷、補遺一卷、附錄三卷（明、梁溪、談脩輯。明萬曆二十七年己亥原刊本。國立中央研究院傅斯年圖書館藏古今考十卷、補遺一卷六冊、配補美國國會圖書館藏附錄三卷、談氏自跋一篇二冊。）

惠山亦稱慧山，夙爲吾邑勝境。清康熙間鄉先輩顧祖禹著讀史方輿紀要謂「慧山在縣西五里，一名九龍山，唐陸羽云山陽有九隴，若龍偃臥然，南北袤數十里，亦名冠龍山，唐陸廣微撰吳地記云古名華山，一名西神山，又名鬪龍山，朱梁貞明五年己卯，吳越錢傳瓘攻淮南之常州，淮南拒之，敗吳越軍於無錫，又追敗之於山南，即慧山之南也。山之東麓出泉曰慧山泉，陸羽品爲天下第二泉，其東一峯，謂之錫山。錫山亦在縣西五里，與慧山連麓而別爲一峯，相傳縣之主山也，周、秦間，山產鉛錫，古語云有錫爭，無錫寧，漢因以無錫名縣。」

惠山古今考，考惠山名勝古蹟之沿革也。首有雲間王微撰序，略曰：「思永先生窮愁著

書，棲托山水，嘗謂不能窮古之勝而復之，俾山之若益而崇，水之若益而深，奈何觀此峙者類乎，流者堙乎，因博搜古今之詩與文，會爲一編，庶知某泉某石，幾廢幾存，鮮不目爲幻景矣」。卷一載惠山名勝古蹟之沿革甚詳，卷二至卷五載自唐代至明代有關惠山勝蹟之藝文，卷六至卷十載自南北朝至明代之詩賦，補遺一卷，雜記惠山遺事，以補卷一所載沿革之不足，附錄三卷，除載鄒迪光撰談氏復惠山小洞記，談氏自撰李丞相讀書臺監碣記暨王微撰李丞相讀書臺碑記外，餘皆爲談氏朋好唱和賦贈之作，自跋一篇有夢見惠山神揖而言云云，或謂未免迹於幻化矣。

先是有明正德五年庚午六年辛未間，鄉先輩邵文莊寶點定慧山記三卷，既葺事，復稽諸邑志與山僧所藏有關慧山景物之文二十一篇，詩一百七十首，輯爲慧山集六卷，與慧山記先後鏤板行世，板藏慧山聽松菴，隆慶間，菴遭回祿，板亦灰燼，迨萬曆間談氏纂輯惠山古今考時，若全不知有慧山記與集者，可見當時刷印無多，流傳未遍，否則何致相隔未及百年，猶非談氏夢遇山神，然後叩諸山僧，將何從而知有慧山集耶。第談氏既將其文與詩輯入古今考內，但未註明某文某詩之錄自其集，仍使後人無從想望慧山集之原貌，此則深可太息耳。古

人云書之傳不傳，若有數存乎其間者，其信然乎。古今考刊於萬曆二十七年己亥，此後談氏子姓氏微，既未重印，亦未重刊，更不知板藏何處，迄今三百八十餘年間，疊經喪亂，載籍之燬於浩劫者，奚啻恒河沙數，而古今考尚有幾近完整之原刊孤本僅存於天壤間，可不謂幸歟。語有之，莫爲之先，雖美不彰，莫爲之後，雖盛勿傳，若談氏者，蓋亦有功於惠山者也。

嘗稽惠山古今考目錄第一卷，列目十九，但卷一內祇有文字十一篇，每篇皆無題目，令人有無從按圖索驥之感，經細審之後，覈其內容，核諸目錄，條述於后：

- 一、小洞重堦考：在第一頁上爲第一篇。
- 二、賢孝祠考：在第二頁下爲第二篇。
- 三、惠山寺佛殿廢興考：在第五頁下爲第三篇。
- 四、二泉書院考：在第七頁下爲第四篇，並見補遺第七頁上。
- 五、尊賢祠考：在第八頁上爲第五篇。
- 六、碧山吟社廢興考：在第九頁下爲第六篇。

無錫文獻叢刊第七輯（惠山古今考）

四

- 七、園亭僧房峯塢考：在第十四頁上爲第八篇。
- 八、錫山考：在第二十一頁下爲第九篇。
- 九、禪悅院考：在第二十五頁下爲第十篇。
- 十、龍泉菴考：在第二十六頁上爲第十一篇。
- 十一、惠山古今名考：見補遺第二頁上。
- 十二、諸泉考：附見第十一頁上爲第七篇及補遺第一頁上與第二頁上。
- 十三、諸祠增建考：附見第八頁上及補遺第三頁下。
- 十四、貞旌坊考：見補遺第五頁上。
- 十五、趙令松考：附見第二十一頁下及補遺第六頁上。
- 十六、流觴曲水考：見補遺第六頁下。
- 十七、圖畫匾書雜考：附見第二十頁下及補遺第七頁上與第十頁上。
- 十八、惠山諸刻考：散見諸文中，不備述。
- 十九、明陽觀考：見補遺第十一頁上。

惠山古今考現爲國內外圖書館藏書目所著錄者，吾邑縣立圖書館藏抄本六卷，注缺第一二兩卷，是抄存之本爲第三卷至第八卷，編者未見目錄，以爲僅缺二卷。國立中央研究院傅斯年圖書館藏原刊本十卷，補遺一卷，內卷十之最後二頁，及補遺之最後四頁，均以白紙抄補。美國國會圖書館藏原刊本十卷，補遺一卷，附錄三卷，談氏自跋三頁，內缺補遺最後之第十四頁一頁，附錄三卷，無目錄，卷上之第三十七頁之最後一行有「卷上終」三字，卷中之第二十一頁無「卷中終」字樣，是否尚有缺頁，無從臆斷，卷下之第五頁最後一行有名而無後文，顯有缺頁，自跋三頁，無缺文。今以中央研究院傅斯年圖書館之藏本十卷，補遺一卷，配補美國國會圖書館之藏本附錄三卷，跋文一篇，庶幾爲現存惠山古今考之卷帙最爲接近完整之本矣。談氏自跋謂「古今考成於萬曆二十五年丁酉，刊於二十七年己亥，凡文八十篇，詩四百八十首，附詞人贈言二卷，嗣後如續得名家題咏及賦贈瑤篇，更圖補刻」，蓋當初所刊者僅爲古今考十卷，補遺一卷，附錄二卷，至卷十之最後二頁與附錄卷三，則爲刊成之後，續有所獲而補刻者，其纂輯之主旨及資料之採擇與去取，讀者可於跋文中自得之，不復贅云。

無錫文獻叢刊第七輯（惠山古今考）

六

談脩，字思永，號信余，晚年自署梁溪無名生，高祖復，精岐黃術，衣食常不給，而醫藥所得，悉施濟貧者，卒年七十九，邑志着碩有傳，曾祖綱，明成化五年己丑進士，山東萊州府知府，有政聲，祀鄉賢祠，邑志宦望有傳，祖一鳳，弘治五年壬子舉人，湖北應山縣知縣，決疑獄，平劇寇，邑志宦望附子愷傳，父悌，縣學生，鴻臚寺序班，一生和平坦率，嘗誡子曰：「門第高，可畏不可恃，我時三復斯言，小子識之」，脩，廩貢生，家有延恩樓，藏書萬卷，脩博覽而擅著述，讀唐張祜題惠山寺詩，有「小洞穿斜竹，重堦夾細莎」之句，而舊蹟已湮，脩營建以復其舊，勒石壩中，鄒迪光撰文記之，脩負才氣，有直節，抗焉流俗，不與時抑揚，僉憲安如山托孤希范於脩，脩育之教之，一如己出，希范卒爲東林名儒，修復古蹟，其緒餘也。著書除惠山古今考外，又掇取先進言行可爲當時風俗澆薄之鑒戒者，成呵凍漫筆二卷，有清嘉慶間南匯吳氏聽彝堂刊藝海珠塵本，暨避暑漫筆二卷，日本內閣文庫藏有萬曆二十一年癸巳原刊本，國立中央研究院傅斯年圖書館藏有原刊本之縮印本，又有無錫縣學筆記，談氏文獻錄，滴露漫錄，俱佚。邑志謂脩因惠山小洞故處，在周文襄祠右小橋堦內，皆有土垣界於其中，故名重堦，以寓男女別塗之意，因修復之，勒詩於石，表之垣中，亦